

Kadri Alit Sherifi

Tregime

Poetike

(2006)

Tregime

Poetike

(2006)

Një reze drite

Në rrugët e botës

vrapoj...

kur vrapin e ndal

mendoj...

S`mendoj për dashurinë,

- e kam përjetuar,

as për fëmijërinë

edhe ajo ka shkuar.

Mendoj në atë dritë,

që më rrezatoi,

në djep kur u linda,

atë dritë që shkoi.

Jeta

*Shenjë e parë e jetës
është frymë e parë,
shenjë e dytë e saj
kur kjo frymë ka dalë.*

*Një nismë ka përherë
dhe askush s`e di,
kur mbaron kjo nismë
fillon përsëri.*

*Beson a s`beson
është punë për ty,
të gjitha këto
veç një Zot i di!*

Ata

*Ata të thonë,
ke të drejtë.
pastaj të thonë,
s`ke të drejtë.*

*Ke të drejtë,
s`ke të drejtë
me dhe pa
të ik kjo jetë.*

K.A. Sherifi

16.03.2006 Neuhausen

Lindja

*Atje ku lind dielli,
lindi qënja jonë.
i dha dritë qielli,
dritë, përgjithmonë.*

K.A. Sherifi

20.03.2006 Neuhausen

Ndjenja

Sa e shtrenjtë është ndjenja,

aq e rrëndë është jeta;

qush e bën jetën e lehtë,

s`di se ç`ndjenjë mund të ketë!

K.A. Sherifi

24.03.2006 Neuhausen

Shtëpia ime

*Në çarshi të epër,
pran` lumbit Shkumbin,
afër një mulliri,
e kisha shtëpinë.*

*Fëmininë time,
aty e jetova,
edhe klas`n e parë,
aty e fillova.*

*Sa shumë përjetime,
mbetën në at vend,
sot e kësaj dite,
unë i kam ndërmend.*

*Në vitet që shkuan,
ç`do gjë ishte tretur,
në fole kujtimesh,
asgjë s`kishite mbetur.*

*Sikur s`kish fëmijë,
gjith`ishin të rritur,
s`loznin si dikur,
po rrinin t`mërzitur!*

*Lojrat popullore,
q`i luanim atëherë,
ishin zëvendësuar,
me lojra - fliper.*

*Drejtova shikimin
pash një tjetër kulm,
nuq ish` më shtëpia,
ku u rrita unë.*

*Ishte më e madhe,
edhe më e bukur,
por edhe kujtimet,
diku ishin zhdukur.*

*Ktheva sytë nga mali,
që ish` pran shtëpisë,
doja t`i kujtoja,
dit`e fëmirisë.*

*Ato ditë pranvere,
kur mali gjelbëronte,
e në degë t`bagremit,
bilbili këndonte.*

*Në rrëzë të malit,
kalonte dhe një prua,
prej lumit Shkumbin,
me ujë të kulluar.*

*Kishte shumë ndryshime,
- s`loznin më fëmijë,
- natyrë e bukur,
ish` bërë deponi.*

*E ndjeva një dhimbje,
për t` bukurën natyrë,
i thash vetes time!
„Njerëz pa mëshirë“.*

*S`kishte as rrugicë,
për n`brendi të pyllit,
as edhe përroi,
që shkonte drejt mullirit.*

*Gjithë ato ndodhi,
ishin përjetime,
tani, më janë bërë,
pjesë e ndjenjës sime.*

Egoja

Unë dhe ai,

po!

e imja dhe e tija,

po!

për mua dhe për te,

po!

ku je ti!?

K.A. Sherifi

29.03.2006 Neuhausen

Lot i syrit

*Kur syri loton,
dhe loti rjedh ngadalë,
në faqen tënde të njomë,
lë gjurmë të paparë.*

*O lot i syrit tim,
i kulluar që je,
po a më tregon;
burimin ku e ke?*

*Unë po ta tregoj,
por s`di a më beson!
pyete zemrën tënde,
më mirë ta tregon.*

Rrugë pa-rrugë

*Stë thashë rri,
kur ti shkove,
lirinë the: e dua!
në rrugën që zgjodhe.*

*S`më pyete,
as më tregove,
pa më thuaj, a e gjete!
ate që kërkove?*

Këtu të gjitha i kishë:

edhe lirinë,

qetësinë,

a e di, sa i meritove!?

Tani të pyes,

A e kuptove?

K.A. Sherifi

09.04.2006 Neuhausen

Njeriu dhe koha

*Që nga e kaluara,
për të gjitha hallet,
shkurt e troç i themi,
„Koha i ka fajet”.*

*Kur mikut i shkon n`vizitë,
nuk lëviz as vendin,
se i shkon n`at kohë,
kur ti ia prish rendin.*

*N kafene me shokë,
t`ngarkon me epitete,
vazhdon, por dhe shton,
kur mbrin në shpi t`vete.*

*Birit të haxhuzes,
po i duket pak...
të mer në telefon
që ti vë kapak,*

*O vllazër të dashur,
unë më nuk e di!
a i ka fajet koha?
apo ky njeri.*

K.A. Sherifi

10.04.2006 Neuhausen

Kërkesat...

Dikush kërkon krahë

që të fluturojë,

i varfëri bukë,

që të mbijetojë,

i pasuri, pasurinë

kërkon

që ta mbrojë,

i poshtri, poshtërisnë

do që ta tregojë.

në botën e k`sj bote,

njeriu diç` kërkon,

Ndërsa unë...

s` dua zemrën time,

e keqja ta ngacmojë.

Vdekja

*Ta jap dorën pa ngurim,
më mer si mik dhe jo n`gjykim.
jam njeri që kam besim,
andaj t`pres në përqafim.
vdekja duhet merituar,
por njëherë duhesh sprovuar.
nuk ka gjë që t`më frigoj,
vdekjen unë e meritoj.*

K.A. Sherifi

13.04.2006 Neuhausen

Pa titull

*Oj Shqipëri, oj nënë e trazuar,
nëpër shumë shekuj, të kanë kënduar,
me më të mirën nënë të kanë emëruar,
po përqaftime a të kanë dhuruar!?*

*Gjith` bijtë e tu, si kishe në gji,
se shumë nga ata, kishin dhe kufi,
ca në Kosovë, ca në Iliridë,
Preshevë, Bujanoc, dhe në Mal të zi.*

*As Çamërinë nuk duhet haruar,
nga pragu i shtëpis, djemt` ia kanë dëbuar,
pleq, plaka e fëmijë,
i kanë masakrua.*

*Oj nën` Shqipëri,
duro edhe pak,
afër është dita,
që të jemi bashkë,*

Vuajtjes shekullore, do t`i vëmë kapak,

K.A. Sherifi

13.04.2006 Neuhausen

Vlersim i gabuar
(Lulëzimes)

*Në një gjendje si asnjëherë,
të zgjodha ty me më shumë vlerë.*

*Nuk të desha, sa duhet një motër,
dhe s` të thira për shërbim,
por më shumë se sa një motër,
dhe t`kërkoja për rrëfim!*

*Më erdhe me shumë vonesë,
dhe s` të prita e gëzuar,
me arsye, a ndo`j pengesë;
kisha qënë n`adres t`gabuar.*

*E ç`pozit moj të kisha dhënë,
jo çdokush t`ket merituar,
ç`të kam thënë e ç`më ke dhënë,
sikur, kjejt ishin haruar.*

*Andaj t`them me gojën plot,
sot më paske ardhur kot...*

K.A. Sherifi

19.04.2006 Neuhausen

Me emrin dyfish

*Shumë kujtime hidhen n`letër,
por ka prej tyre që s`mund i hedh,
se mendon që dikush tjetër,
këjtësisht ndryshe mund t`i dredh`.*

*Themi ka armik të tmershëm,
që nuk t`vërsulet me yrish,
s`është çudi ta dish për t`ndershëm,
dhe t`a mban emrin dyfish.*

*Nuk e them un` ashtu kot,
se çdo gjë ka n`këtë jetë,
„Ti nga miqë m`ruaj o Zot,
nga armiku ruhem vetë“.*

K.A. Sherifi

19.04.2006 Neuhausen

*S`dua mëshirë
(Lulëzimes)*

*Ju lutem o vëllezër, dhe ju oj motra,
ju lutem ju, miq e dashamir`t e mi,
mëshirë dhe vuajtje, nuk dua motra,
por vetëm dua që të kem qet`si.*

*Dashuria e dhimbja, që ju mundon,
unë ju kuptoj, kuptom`ni dhe ju mua,
motra e juaj padyschim ju don,
më ejani ju lutem, atëherë kur unë dua!?*

*Ju falemnderit, që k`shtu më kuptoni,
do të zgjasë një kohë, k`të mos e haroni!
dua t`jem e qetë, në vetveten time,
e një ditë t`ju pres, atje n` shtëpinë time.*

Kadri A. Sherifi

24.04.2006 Neuhausen

Mosha e pleqërisë

*Në moshën e pleqërisë,
s'është si në kohën e rinisë,
në pleqëri qesh dashuria!
në rini është xhelozia.*

*Dhe një herë, t'isha i ri,
s'dot mendoja për xhelozin,
do t'isha fut në dashuri!
t'ju tregoj se jam njeri.*

*Atij, që në pleqëri,
i shkon mëndja në dashuri!
le ta bëj, e mos ia falë,
se ajo e mban të gjallë!*

*Për këto vargje, për këtë shkrim,
unë nuk kam tjetër mendim,
se, kushdo që ta lexojë,
ndryshe do ta komentojë.*

*Një njeri, një mendim,
një dëshirë, një përjetim,
se çdo gjë që ke në dorë,
tretet si një top me borë.*

K.A. Sherifi

30.04.2006 Neuhausen

Kënga e mëngjezit

*Sa i bukur është mëngjezi,
çdo gjë ngjallet përsëri,
në çati këndon këndezi,
loz fëmija në avlli.*

*Lul'zojn` lulet me rreze dielli,
n` harmoni të kompozuar,
dallëndyshja lart nga qielli,
na thot: vera është afruar.*

*Në mëngjez çdo gjë fillon,
pun` e mbar edhe me vlerë,
dhe gjithë kjo kur të mbaron,
faqebardhë dhe me nderë.*

Sinqeriteti

*S`është lehtë t`jesh i singert,
se nuk do aq shumë sqarim,
me që është realitet,
shumë të tjerë i vë në dyshim!*

*Ca të duan, e ca të shajnë,
ca t` këndojnë, e ca të qajnë,
ca t` urojnë, e ca t` bekojnë,
por dhe ca! që të mallkojnë.*

*Mos i shaj! se janë të gjorë,
të keqen e mbajnë në dorë,
krejt ato që i paraqet,
s`i pranojnë se s`janë t`singert`.*

Pendimi

*E kam të dëgjuar,
e them dhe njëherë,
t` bësh vepra të mira,
është gjë me vlerë.*

*Për gabimet e bëra,
njëherë po u pendove,
Zoti do t`i falë,
falje po i kërkoje.*

K.A. Sherifi

01.05.2006 Neuhausen

Kufijtë e jetës

*Shumë gjëra në jetë ndodhin,
që s` duam... dhe i pranojmë,
nuk janë çudira që na lodhin,
por janë gjëra që s` i kujtojmë.*

*Nuk kujtojm` njëherë për vete,
dhe çdo gjë e lëmë më nj` anë,
vler`sojm gjërat e kësaj jete,
s` pyesim nënën as babanë!?*

*E duam jetën, duam liri,
dhe të mirat që i prekim,
prindët tanë s`kanë pas mundësi
rrugën e tyre s`e ndjekim.*

Mbështetje e gabuar

Shumë vetë të mbështetën,

e neve na shanë.

T`kanë thënë nuk të duam,

në rrugë t`kemi lënë.

Ndoshta u besove!

K`të s`ta kemi thënë,

shihe pra tani,

cilin e ke pranë!?

Dikush po na pyet!?

si je me shëndet!

themi se je mirë,

ato q`i ka kjo jetë.

*Humbe rrugën bir,
që t`jetosh me rrenën,
ashtu siç` humb qingji,
kur e le kopenë.*

*Ndonjëherë të them,
edhe këtë dua,
ndoshta edukata,
ka qën` e gabuar!*

*Pra, edhe mbështetjen,
që ta kanë ofruar,
një arsye tjetër,
dhe u kë besuar.*

*Ka edhe të tillë,
fare nuk dyshoj
fëmijët pa prind,
pranë vetes t`i afrojë.*

*Prindët kush i ka,
e mund t`i shfrytëzoj,
veç për kohë të shkurtë,
tjerët të pranojnë.*

*Se të le në rrugë,
k` të nuk e kupton,
dyshimin e mer n` lugë,
vazhdon dhe gabon.*

*Por edhe gabimet,
e kanë një kufi,
të meret e drejta,
të jetosh n`liri.*

*Po vazhdojnë mbërritë,
që nuk kanë mbarim,
ne e kemi` kuptuar, se
jeta është provim.*

*Ne jemi të njejtë,
me ndjenj` të dashurisë,
dhe në rrug` të drejtë,
në rrugën e pleqërisë.*

Jeta është një harmoni

*Nuk jetohet sipas konceptit,
që të tjerët ta tregojnë,
e at`jetë të realitetit,
janë shumë pak q`e pranojnë.*

*Me të mirën e të keqen,
është kjo jetë në harmoni,
melodinë po ia gjete,
e vallzon dhe gjer n`pleqni.*

*Çdo njeri është si një fletë!
flet e bardhë pa një njollë,
aty pra qëndis k`të jetë,
me ngjyrë të trashë apo të hollë.*

Aftësia dhe fati

*Zoti t'falë aftësinë,
s`duhet shumë kujtuar,
kërkoje edhe fatin,
për t`a realizuar.*

K.A. Sherifi

05.05.2006 Neuhausen

Ëndërra e jetës

(Florës)

*Veç një ëndërr në jetë kam pasë,
për një familje të shëndoshë,
këtë gjë e dua pa masë,
dhe mos vdeksha shpirtin bosh`!*

*Kujtoj familjen e nënës time!
motra, vllazër ishin shumë.
kënaq`sitë dhe përjetimet,
s`i kish tjetër si ç`kisha unë.*

*Kisha tezen një shpirtmadhe,
në skamë e vuajtje ajo jetoj,
edhe pse ishte një trupmadhe,
ajo dinte që t`vallzojë.*

*E kujtoj pra me shumë mallë,
me dahiren në këngë vaji,
ishite grue pak sa e rrallë,
s`kish njeri e të mos qajë.*

*Dajallarët q`i kisha unë,
s`i gjejë fjalët t`i përshkruaj,
n`Dibër t`madhe me jetë e punë,
nuk kam kurrë për t`i harruar.*

*S`dua jetë të mahnitshme,
salltanete s`dua fare,
është një kohë e neveritshme,
kur jetohet veç për pare.*

*Njërin dajë do ta veçoj,
për ate grua që ai kishte,
ate s`mund unë ta haroj,
ajo s`dinte kujt t`ia prishte.*

*Ish` e shkurtër jeta e saj,
me shumë sprova e sprovoi,
ate kurë se pashë të qajë,
kështu vdekjen e meritoi.*

*Pas një kohe shkova n`Dibër,
dhe këtë dajë ta vizitoj,
me një çantë dhe n`dorë një libër,
para derës po mendoj.*

Punë e mendjes, e mendova!

s`desha vetes t`i besoj,

dera e mbyllur! u tmerova!

nisa tjerët t`i fajësoj.

E thyer n`zemër nisa t`qajë,

ecja rrugës pa qëllim,

kur desha ftyrën që ta lajë,

më doli para daja im.

Me një britmë iu drejtova,

der` e mbyllur, ç`është kjo k`shtu!

ah! Moj bijë! bij` e dajës!,

edhe unë e gjej ashtu!?

*Ish` një dhimbje që s`du` t`kujtoj,
mirëpo gjurmët s`i hjek dot,
me këtë fat duhet t`jetoj,
e t`mundohem është qotë.*

*Kam një motër e vllazër shumë,
jam bërë teze e sa herë hallë,
k`to kujtime d`i hedh në lumë,
ajo ëndërr që mbet një mallë.*

*Që kjo ëndërr të jet reale!
sot çdo mund është i qot`,
duhet t`bashkosh fush` e male,
gjë e tillë s`aritet dot.*

Brenga e kohës

*Në ballkonin e një shtëpie,
ne dy bashkë kuvendojmë,
kujtojm ditët e asaj rinie,
dhe këtë` brengë ta harojmë.*

*Nuk harrohet brengë e shkreta,
thell në shpirt ka zënë vend,
k`shtu e paska pasur jeta,
ti o Zot na i ruaj mend t.*

*Ty të falemi me nder,
që na ruan nga çdo e keqe,
vetëm Ti je Një me vlerë,
jetojm jetën me lepe-peqe.*

9 Maji

(Florës)

*Një ditëlindje, një njeri,
sot kjo dit të takon ty,
i gëzofsh gjithë k`to pranvera,
paç gëzim n`shumë vite tjera.*

*Ësht` urimi personal,
dhe fëmijët kanë k`të dëshirë,
t`jetosh n`gjirin familjar,
me at` zemër e shpirt të mirë.*

K.A. Sherifi

09.05.2006 Neuhausen

Bukuria djallëzore

*Për ate që pash nga jeta,
kam ca fjalë për k`të rini,
ç`desha unë, atë e gjeta,
e ç`doni ju shumë mirë e di.*

*Tjet e bukur dhe krenare,
t`kët fytyrën engjëllore,
t`a mendosh për të turpshme,
t`a kët zemrën djallëzore.*

*Tjet e hollë dhe truphedhur,
me një fjalë të jet „hyri”,
a e dini: sa ish` i bukur
edhe djalli kur ish` i ri!!!*

Ditura

*Ditura është hyjnore,
është gjëja më e shtrenjtë,
s`ka vend ndjenja djallëzore,
dhe për Zotin është e shenjtë.*

*Lind njeriu bashk me dijen,
dhe tër` jetën ai mëson,
por si trupi që ka hijen,
dija mëndjen e zotron.*

*Sot njeriu bën çudira!
e blen dijen me dollarë,
sa më shumë që e paguan,
mer pozit në vend të parë.*

Mikut tim

*Po të pyet miku për hallet,
i rrëfeshesh me plot besim,
k` shtu shkarkon nga supet malet,
se me te ndanë ç` do shqetësim.*

*Ish` një rast që kish` mbaruar,
miku deshti dhe ia fillova,
kur i thashë se është` haruar,
sikur n`zemër e qëllova.*

*Nuk e prisnja at veprim,
me akuza t`më ngarkojë,
që t`kursehem nga ky shqetësim,
luta mikun të ndalojë.*

*Ajo ditë nuk ish` e mbarë,
dhe do t`betet si e ndarë,
vitet bashkë që kem` kaluar,
nuk kam kurë për t`i haruar.*

*Dhe pas sodit o miq`u`im!
të fillojm që nga e para,
nga pozita dhe qëndrimi,
edhe duart t`i kemi t`lara.*

*Që të dua dot` vazhdoj,
është ushqim për shpirtin tim,
kjo që ndodhi s`e haroj,
mund tët` marr dhe n`përqaftim.*

*Unë kam edhe miq të tjerë,
që i dua të gjithë njëllor,
dhe të gjithë e kanë një vlerë,
paskam qënë tek ta në lojë.*

*Për ndodhitë, pa interes!
krejt natyrshëm i pranojnë,
t`informuar n`junajted pres,
pa prezencë të akuzojnë.*

*Miqt` e mi, me njëri tjetrin,
janë të ndryshëm, nuk dyshoj,
pa prani e në mungesë,
mund të ndodh që t`u pengojë.*

*Thonë se n`rrugë të drejtë nuk jam,
u bëftë mirë, e le ta g`zojnë,
dialog nuk ke pse bën,
për çdokënd kështu mendojnë.*

K.A. Sherifi

16.05.2006 Neuhausen

Lules që lulëzoi

*Lulëzuan fushat, lulëzuan malet,
Lulëzuan qopshitet, edhe bulevardet.*

*Në shumë shtëpi lulëzuan,
lulet ngjyra, ngjyra,
në një shtëpi të vjetër,
lulëzoi e gjithë natyra.*

*Ishte lul e gjallë,
në mes lulësh tjera,
edhe e veçantë,
e bukur dhe pa fera.*

*Gëzim dhe harmoni,
dëgjohej n` kët` shtëpi,
se lulja që lulëzoi,
i mbushi dashuri.*

*N` mosh` të sajë rinore,
jo se ish` e vjetër,
por duhej t` zëvendësohej,
me një lule tjetër.*

*Në qopshtin e panjohur,
rinte sa e humbur,
s`kishte si t`ia bëjë,
s`ishte as e lumtur.*

*Lumturia e sajë,
që aty mbaroi,
at moral të fortë,
ajo s`e dorëzoi.*

*Me forcat e veta,
ajo mbijetoi,
vuajtjet që kishte,
askush s`i kuptoi.*

*Ishte me kujdes,
askënd t`mos lëndojë,
në vete me ngadalë,
Shpirtin e coptoi.*

*Lules q`i zu vëndin,
i humbi bukuria,
prishi edhe rendin,
u prish dhe harmonia.*

*Shumë e re u vyshk,
dhe u shtri per tokë,
mbeti pa fuqi,
nuk ngrejti më kokë`.*

*Kaluan shumë vite,
që jetën ta kuptojë,
dashamirt e Shpirtit,
një ditë t`i takoj.*

Shumë fjalë

*Shumë fjalë dua t`i them,
që dikur pathënë i lashë,
të gjithë pranë vehtes t`i kem,
e t`i shoh ato, që atëhrë s`i pashë.*

*Dua të them, sa e rënd është jeta,
dhe si e tillë e ka një kuptim,
padysim se kjo është e vërteta,
dhe pos kësaj nuk ka tjetër sqarim.*

*E bukur është jeta kur qeshim,
e bukur është edhe kur qajmë,
nuk është e bukur jeta,
kur njëri - tjetrin e shajmë.*

...kuptim...

*Kaloj rrugën!
e dal m`at` anë,
vazhdoj më tej,
një qëllim e kam,
të tjerët vështrojnë,
dhe kalojnë n`kët` anë,
dësa me zë mendojnë!
dësa edhe shajnë!!!*

K.A. Sherifi

20.05.2006 Neuhausen

Bota e çudirave

*Në botën e fëmijëve,
gjith gjërat janë të mira,
është një botë e madhe,
një botë me shumë çudira.*

*Sa ishim fëmijë,
qeshnim gjer në lot,
e sot ç`jemi bërë,
çudi për këtë botë.*

K.A. Sherifi

22.05.2006 Neuhausen

Malli i nanës

(Florës)

*Ah! se ç`kam një mall,
që s`e shuaj dot,
të të kem përballë, e
t`a mbush zemrën plot.*

*Ah! se ç`kam një mall,
tët` marr në përqafim,
të të puth në ballë,
me ndjenj` e mallëngjim.*

*Ky mall është`sa një mal,
dhe zemrën ma rëndon,
ç`paskam pas kët` hall!
që shpirti s`e duron!?*

Faqebardhë

*Durim Jepi o Zot,
dhe mëndjen e kulluar,
fuqinë ktheja o Zot,
në shpirtin e lënduar.*

*Durim, për faqe-bardhë,
dhe t`mirat t`i kujton,
për prindët është i mbarë,
kur tjerët s`i lëndon.*

K.A. Sherifi

23.05.2006 Neuhausen

Pasqyr-fytyra

*Më pëlqen fytyra që e kam,
jam i k`naqur dhe kështu si jam.*

*Po të lutem moj pasqyrja ime!
e tregon ti! vërtet fytyrën time?!*

*Përgjigjen tënde unë, tani s`e pres,
më thuaj, a duhet vehtes t`i zë besë!*

*Njerëzit mua smë pranojnë si jam,
ndoshta se duan fytyrën që e kam?!*

*Prandaj të lutem ty, moj pasqyrë,
ma bën ashtu si ç`e duan, një fytyrë?!*

Ndjenja e fëmirisë

*Vëllezër, motra, fëmijë tjerë,
rriten bashkë në një obor,
çdo gjë e asgjë nuk ka vlerë,
se gjërat shkojnë dor më dor.*

*Jemi ritur, dhe kem` haruar,
të gjitha gjërat me-pa vlerë,
çdo gjë sot duhet sqaruar,
t`themi k`shtu ka qënë çdoher.*

*Motra rritet dhe zë një derë,
vëllau n`çerdhe e fut një grua,
aty fundin e ka çdo vlerë,
„i lumi unë e lum për mua”.*

*Motra burin e bën dhe v`lla,
vëllau motrën e haron,
dhëndri fajet thonë i ka,
dhe gjithë të k`qijat ia ngarkon.*

*Vëlla me vëlla nuk kuvendojnë,
njëri tjetrin e bëjn të keq,
burë e grua po diskutojnë,
ç`paska hy në mes një dreq!*

*Ësht` një gjë që s`e kujtojmë,
vlerë e madhe e njerzisë,
kështu ndodh kur ne harojmë,
ndjenjën e pastër të fëmirisë.*

Jemi të mirë

*Të gjithë jemi krijesa të Zotit,
në shumë fe edhe me besim,
jemi të mirë e veprojmë ndryshe,
ndodh kështu! se nuk e dimë.*

*Nuk e dimë sa t`mirë që jemi,
prandaj n`vepra bëjm ndryshime,
gjithë një shpirt, një zemër kemi,
më shumë kujdes më pak lëshime.*

K.A. Sherifi

26.05.2006 Neuhausen

Lules tharë

*Se ç`m`shkoi mëndja për një lule,
jo një lule çfarëdoqoftë,
por një lule nga më të bukurat,
karajfile me erë plotë.*

*Në at` kopshtin tim të bukur,
shkova lulen për ta marrë,
s`duhej shumë t`mandoja cilën,
këputa t`vetmen lule t`tharë.*

*Ajo ishte dikurë e bukur,
e pse sot na qënka tharë!?
unë e di se ç`erë kishte,
dhe nisa erën t`ia marr.*

*T ia tregoj dikujt ktë lule,
e t`i them se ç`erë ka,
s`ka mund`si që t`a kuptojë!
kur qe çelë nuk e ka parë!*

K.A. Sherifi

27.05.2006 Neuhausen

Vullneti i lirë

Çdo kënd dua ta kuptojë,

me të mirat që i ka,

ashtu dua ta pranojë,

dhe të këqiat pa ia nda.

Në këtë botë kështu si jemi,

„Një vullnet të lirë e kemi”.

K.A. Sherifi

28.05.2006 Neuhausen

„Jetë e pajetuar”

*Pak janë ato gjëra, që unë mund të flas,
për fëmirinë time, se çfare e kam pas!*

*Atëherë kur mendoja, se jeta më filloi,
erdh një ditë papritur, ku çdo gjë mbaroi.*

*Aty mbaroi fillimi, i jetës n`harmoni,
aty mbaroi fillimi, i ndjenjës „dashuri“.*

*Aty mbaroi fillimi, i epshit „kënaqësi“,
aty mbaroi fillimi, i trajtimit njeri.*

*Aty mbaroi fillimi, të qënurit dhe grua,
aty mbaroi fillimi, i jetës për mua.*

*Aty mbaroi fillimi, edhe si „shtatzëne“,
aty mbaroi fillimi, të qënurit një nëne.*

*Edhe njëherë tjetër, të njëjtën përjetova,
nga mbarim - fillimi, kurrë nuk u largova.*

*Jet`n e pajetuar, akoma e jetojë,
me shpresë që n`botën tjetër jetën t`a shijoj.*

*Ndjenjën time t`pastër, e kam të kurorezuar,
për jetën që jetova, si „jetë të pajetuar“.*

K.A. Sherifi

30.05.2006 Neuhausen

Dajës tim-(Bujar)
(florës)

*Dhjet vite kaluan, që kur ike ti,
nga kjo jetë e shkurtër, në jetën pakufi.*

*Ike në një moshë, jo se ke kërkuar!
por, jetën që jetove, e kishe të shkruar.*

*Moshën që e kam, ishe ti atëherë,
për dallim nga unë, kishe më shumë vlerë.*

*Sa e doje jetën, atë unë e di,
po ta them mor dajë, atje je më mirë!.*

*Jetën që jetove, askush s`e jeton,
se në vend të ndjenjës, „leku” dominon.*

*Dashuri e dajës, përjetim i rrallë,
fëmijëve të mi, ua tregoj me mallë.*

*Mall e përjetim, fëmijëve u mungon,
daja sot i shanë, në vend t`i përqafton.*

*Sa isha fëmijë, k`to s`i kisha parë,
a thua dashurinë, me vete e ke marrë!*

*Me dashurin tënde, akoma unë jetoj,
edhe n`botën tjetër, unë do ta vazhdoj.*

K.A. Sherifi

30.05.2006 Neuhausen

Jetëkalimi

*Rruga e jetës është e gjatë,
shembujt i këmi në çdo anë,
të ndjekur jemi nga puna e jonë,
dhe veprat që i këmi lanë.*

*Të ndjekur jemi nga të njohurat,
që nëper shekuj kaluan,
të panjohurat s`duam t`i njohim,
dhe të gjitha i lamë në të haruar.*

*Një kalim i shkurtër nga kjo jetë,
është pa dhimbje dhe i lehtë,
kalimi në atë botë të qetë,
ashtu siç` e këmi qëndisur vetë.*

Pa-kujdesia!

*Ndodhë natyra të hakmeret,
për veprimin tonë ndaj sajë,
dhe lumi i fundit nëse shterret,
nuk mendojmë se ç`do të hajmë.*

*Ç`do ta mbushë sofrën tonë!
këtë duhet ta kujtojmë,
leku s`qënka për ta ngrënë!
edhe këtë s`duhet t`harojmë.*

*Peshku s`rritet dot pa ujë!
edhe toka s`ka zhvillim,
babë e bir do t`jenë të huaj.
se dot` humbin çdo durim!*

Të thënat

Më than kështu...

Më than ashtu...

Nuk mbet gjë,

pa më thënë.

I thashë kështu...

I thashë ashtu...

Krejt çka deshta,

ia kam thënë.

Ç`më ke thënë e ç`të kam thënë,

Janë të thënat që janë thënë!!!

K.A. Sherifi

05.06.2006 Neuhausen

Shpres pafund

(Shahīnes)

*Sa e sa ditë kanë për t`kaluar,
e unë të jetoj në shpresën e pafund!
që e pamundura të bëhet e mundur,
s`kam parrë të ket ndodhur dikund!*

*Kur zgjohem nga gjumi se duhet!
besoj në shpirtin, që pas më ndjek,
mendoj në përqafimin tënd t`mbaroj!
kurse malli shtohet e s`mund ta hjek,*

*Ti ishe e rëndomtë për mua atëherë,
ashtu siç` është sot kjo, për k`te!
u bërre një engjull e bukur pa fletë,
kurse kjo vazhdon të jet ashtu për te!*

*Sa e sa herë mendoj dhe them! se
ndryshimet në mua ndodhin papritur,
vjen e të përngjajë çdo ditë më shumë,
në fytyrën e asaj dite, kur ti ke ikur.*

*Të kam ndërmend! gjer në atë ditë...
për ndryshimet tua s`kam njohuri!
kam dëgjuar se të mirët e kësaj bote!
atje e kanë të gjithë një bukuri.*

*Të dua oj bija ime me mallin e nënës,
të dua oj motër ashtu siç` duhet...
të dua dhe unë si ç`duhet një nënë!
bija jote! me dashurinë që s`shuhet.*

Natyra

*Sa e bukur është natyra,
dhe më e bukur, dikur ishte,
a! thua atëherë, vetëm kafshë!
e kështu njerëz fare s' kishte!?
mos ka fajet ndoshta koha!
për ndryshimet rrënjësore,
kur e dimë sa e përsosur,
është qenja e jonë njerëzore!?*

*Mos harro se je i mirë,
t'kesh kujdes për këtë natyrë,
se i keqi nuk ka brrirë,
dhe mos e nxi më, at fytyrë.*

K.A. Sherifi

08.06.2006 Neuhausen

O njeri!

O njeri!

ti oj qënja e përsosur,

po në ç`gjendje pasqe ra!

me shumë njolla i njollosur,

njëri – tjetrin tue sha!

shajë njeri e mos u ndal,

je i vetëm që mund t`shashë!

shajë n`shtëpi, në rrugë e n`mal,

s`e kanë dert tët` thonë: or kal.

O njeri!

ti oj qënja e përsosur,

k`theju vetes n` dashuri,

fshija njollat atij tjetrit,

k`shtu tregon që je njeri.

E gatuara e papjekur

Një ditë pronari e mori lopën,

në kokë ia lidhi një kovrak,

në qafë ca rruza xhevahire,

e ta bëj një xhirro në soqak,

Krejt kët` punë pronari i ngratë,

e kish` qëndis për bukuri,

s`i kish` shku` ndërmend të shkrëtit,

për lopët tjera në at` nahi.

Nisën lopët të habiten,

se n`kët gjendje s`e kishin parë,

dhe pronari filloi t`mërzitet,

e nuk la lopë pa e sharrë.

*Po ç`faj kishin ato të shkreta,
që lop`n e vet e kish bërë zojë,
nga depresioni dhe pavërteta,
dashiti tjerat t`i fut në lojë.*

*Donte t`gjitha t`i ndryshon,
edhe n` sjellje të kenë kujdesë,
si të sillen e si t`veprojn,
se të veten e ka princeshë.*

*Një t`gatuar të papjekur,
s`ka njeri që mund ta hajë,
nga të thënat kush s`ka vdekur,
kam durim dhe mund t`i mbajë.*

I ligu

*Kur n`munges e kemi bukën,
ne prej Zotit ndihm` kërkojmë,
ndodh një ditë dhe kemi tepër,
harrojmë Zotin ta kujtojmë!*

K.A. Sherifi

17.06.2006 Neuhausen

„Sedra”

*Ikën me ngadalë vitet e rinisë,
u bërra dhe plak falë perëndisë
po ti oj „sedër” ç`paskë qënë besnike,
që më ndoqe pas ndër gjitha k`to vite.
Kur unë isha vetë dhe s`kishë askërkënd,
as ti oj „sedër” s` më shkronje ndërmend
nga derra e madhe kur dëgjoja zilen,
më dilje përpara, m`tregoje si t`sillem
edhe n`tavinë kur rrinja me shokë,
më dilje përpara e m`hynje mbi kockë
të vetmen dollë që ngreja për një tjetër,
sërish ajo këngë në melodin e vjetër
si duket çdo mund paska qenë i kotë,
nuk mund t`hjek ty qafe edhe në at botë!*

K.A. Sherifi

17.06.2006 Neuhausen

Oda e burrave

Nëper oda burrash,

gatuhej krenaria,

me besën shqiptare,

shkruhej historia.

Në odën e burrave,

çaj, kafe e duhan,

me kôkrat e barrotit,

vulosej fjal e dhënë.

Edhe sot ka burra!

që s' bashku kuvendojnë,

me gotën e rakisë,

punët i sqarojnë,

dhe me got`n e fundit,

të gjitha i ndryshojnë.

Kalimtar i rastir

*Kalimtar i rastit,
është shkruar n`histori,
kalimtar i rastit,
është poeti n`poezi,
kalimtar i rastit,
isha si i ri,
kalimtar i rastit,
edhe sot n`pleqni.*

*Nga kjo botë në tjetrën,
dot`jem përsëri,
kalimtar i rastit,
si çdo tjetër njeri.*

K.A. Sherifi

19.06.2006 Neuhausen

Ndodhit e botës

*Gjërat ndodhin në këtë botë,
dhe të gjitha janë papritur,
ndodh një gjë që na pëlqen,
themi: këtë e kemi pritur.*

K.A. Sherifi

19.06.2006 Neuhausen

Të lutem

Mos eja mbi varrin tim,

falje të kërkosh.

mos eja mbi varrin tim,

gabimet t'i kujtosh.

Të lutem, mos eja,

që veten ta mallkosh.

Të lutem, mos eja,

dheun t'ma randosh.

Por të lutem...

të lutem,

një „selam” të gjithëve,

aty pari kur t'kalosh.

K.A. Sherifi

20.06.2006 Neuhausen

I riu burrë

*Rrugët tona n`fëmiri,
s`u takuan kurrë,
por pranë teje si i ri,
e ndjeva vehten burrë.*

*Një rrini që kemi sot,
në çdo rrugë nga një takon,
mendojnë xhëpin ta ken plot,
vetes burrë a mund t`i thonë?!*

*Sot është` gruaja mjaft e ngritur,
burri shkollën fort s`e don,
i vijnë gjërat si papritur,
kur kjo n`bledhje duhet t`shkron.*

Monotonia

edhe sot,

edhe dje,

edhe nesër,

si pardje...

K.A. Sherifi

21.06.2006 Neuhausen

A je gjallë

Më marrin njerëzit në telefon,

dhe më pyesin: a je gjallë?!

s`e vërejnë në ç`numër marrin,

atë, tjetrin s`ua kam dhënë...

K.A. Sherifi

22.06.2006 Neuhausen

U pafshim për të mirë

*Nuk dua të paragjykoj,
aq më pak të akuzoj,
një mendim të them unë dua,
ç`ndodh me ty e ç`ndodh me mua.*

*Kur ti kishë gëzim n`shtëpi,
tavolinën të mbushur plot,
kishë miq e dashamirë,
edhe atëher kur rrije kot.*

*As te unë nuk kanë`munguar
gjër sa kisha shëndet të mirë
erdh`një ditë që u sëmura
m`thanë u pafshim për të mirë.*

Çegranit tim

*Nën malin e thatë i ke rrënjët,
për historinë tënde s`dua të flas,
për ato pak përjetime të jetës
që moti i kam lënë pas.*

*Një ditë nëntori aty u linda,
nën rrezen e asajë drite të ngrohtë,
dhe frymën e parë aty e thitha
të ajrit të pastër e të ftohtë.*

*Çegran ti o vendi i lindjes,
dy stinëve të para u bëra ballë
me pak vizita ty të përjetova
rrudinën¹⁾ e ashpër e kam në mallë.*

-1) Rrudina- është një hapësirë e thatë në Çegran

*Çegran ti oj histori e gjallë
i more në mbrojtje vëllezërit Kosovarë
buk e kryp e zemër, sot pak sa e rrallë,
por që është traditë e kombit shqiptar.*

*Çegran ti oj oazë e shpëtimit
me zemër të thyer e shpirt të lënduar,
përkëdheljen e butë ia lëshove jetimit,
në gjitha gjuhët e botës ishe e urruar.*

*Në fushën e pollogut e më gjërë
fshati më i madh dhe vetëm shqiptar
karakteristikë e veçantë e ytja është
që përshëndetjen e jep me të sharrë.*

Rrënjët e kombit

*O shqiptar! Kudo që je,
a e di ti rrënjët ku i ke!?
që je degë e lisit t'vjetër,
a mos je ngjitur në dru tjetër?!*

*Prej një lisi jem` degëzue,
dhe s`ka dru që na pajton,
nëse k`të s`ta kanë kujtue,
është` një plak që ta tregon.*

*Në çdo popull ka tradita,
t`përkushtuar e fanatik,
gjithë ata janë me merita,
janë të gatshëm për çdo armik,*

*Në traditë ka qenë t`shqiptarit,
plaku urdhërat t`i lëshon,
gruaja n`magje t`a bën bukën,
djali urdhërat t`i zbaton.*

*O shqiptar! Kudo që je,
bjeri mendjes dhe kërkë,
ti traditat që i njeh,
me i përdorë mos harro.*

*N`kohë t`Migjenit kish` mjerim,
sot kërenar me pasurinë,
e bëjmë një jetë me trishtim,
duam ta blejmë edhe lirinë.*

Një motre

Ah moj motër!!!

Kam nevoj t`i them ca fjalë,

ta kujtoj atë kohë të vjetër,

dhe mendimet palë-palë

t`i shpalos e t`i hedh n`letër.

Ah moj motër!!!

Kujto kohën tonë t`kaluar,

që s`i tham as lamtumirë,

edhe dhimbjet pa i harruar,

të pazgjedhur si detyrë.

Ah moj motër!!!

Unë shumë gjëra i kam harruar,

sikur ika! pa marrë leje,

rrugët tona u ndryshuan,

ti me prind e unë larg teje.

Moj motër!!!

*Një dëshirë atëherë që pas,
të jetosh larg vendit tënd,
me kafshë shumë e njerëz pak,
atje, ku nuk njih askënd.*

Moj motër!!!

*Këtë dëshirë e plotësove,
more burrin nga gurbeti,
le vendlindjen e u largove,
me një ndjenjë se shkon tek mbreti.*

Moj motër!!!

*Jet` e mendjes është` e shkurtë,
nis vetëmia të të hajë,
dhe „pallati“ të bëhet burg,
 Kurse „Shpirti“ nis të qajë.*

Moj motër!!!

*Vend i huaj s`është` vend` i ytë,
dhe kureshtja dikur mbaron,
Shpirti zbrazet, i mbyll sytë,
se kush ishte, krejt harron.*

Moj motër!!!

*Vjen një kohë që bëhesh nënë,
edhe jeta këtu ndryshon,
është` e mundur t`shkosh dhe n`hënë
nëse fëmija k`të t`kërkon.*

Moj motër!!!

*Është çudi kjo jetë prindore!
obligime me pakufi,
dy-tre punë i mer për dore
dhe i bën me shumë` k`naq`si.*

Moj motër!!!

Fëmijët rriten dhe zhvillohen

bëhen burra, bëhen gra

dhe sido që rrotullohen

kanë të drejtë dhe janë pa faj.

Moj motër!!!

Janë ca gjëra që s'kan spjegim

prandaj dua t'i tejkaloj

do ta them si një tregim

edhe kurrë të mos harrojmë.

Moj motër!!!

Nuk ka faj se është i imi,

por ka faj ai i yti!

e le vetë s'e shoqëron

s'pyes shkakun ku qëndron.

Moj motër!!!

*Ky tregim nuk është për t`qeshur
prandaj dua ta lë me kaq
ne do t`jemi të përqeshur
kurse djalli ka me u knaq.*

Moj motër!!!

*Nuk të pyes me ty ç`ndodhi
se as vetes nuk ia lejoj
po at` që pluhur syve t`hodhi
vëlla e motër i ngatëroj?!*

Moj motër!!!

*Për tre ditë „një“ që pate
mendjen tënde e rrotulloi
dorën n`zemër asaj ia zgjate
se kë kë vëlla ajo t`tregoi.*

Moj motër!!!

*Ç`mund t`mendosh është veç e jotja
për veprimet s`ka kush t`ndal
me akuza dhe bindje t`kota
janë të rënda e nuk ti fal.*

*Ngojë i kë të gjitha shkronjat
gatuj e nxjeri si të duash,
n`mend ngatrohen edhe zonjat
pra, s`ka lidhje ç`mund të thuash.*

*Për problemet që mund t`i kishë
të pa-zgjedhura i pasqë lanë
janë aq shumë! ti oj motër
dhe me to sot derdhë qalënë.*

Mund

*Është një mund vet qenja jote
kur t'kësh unin tand t'formum
që je pjesë e kësaj bote
t'mos e marrish si „punë pa punë“.*

*Do ta thot edhe përtaci, se
çdo lëvizje kërkon një mund
është kërkesë e jetës sate
nga fillimi - gjer në fund.*

*Nuk është ky i vetmi mund
që të bën t'mendosh aq shumë
në çdo qytet, në çdo katund
s'fiton gjë pa dhënë pak mund.*

„Burrë-grua“

I thot burri gruas:

„hej“ ku m`je nis ashtu!

hajt shif punën tënde,

sot është mod kështu!!!

Kur gruaja zërrin,

më shumë se ti e ngre,

mos thuaj: „jam burrë“,

por thuaj: se je pleh.

K.A. Sherifi

04.09.2006 Neuhausen

Ligji i Perëndisë

Shumica mendojnë:

luftë na qenka jeta,

ajo është një lojë,

me rregullat e veta.

Që s`ke njohuri,

mbi ligjin Shpirtëror,

s`mund të jesh i aftë,

mirësinë për ta korr.

Ligji n`tre sektore,

e ndarë nga Perëndia,

nëndija, vetëdija

edhe mbivetëdija.

*Çdo njërën nga këto,
ta njohësh sa më mirë,
që t`kesh një jetë të lumtur,
me një Shpirt të dflirë.*

*Nëndija s`është në gjendje,
të ekspozohet vetë,
kujdes me vetëdijen,
se t`ngatron në jetë.*

*Kurse mbivetëdija,
është vet Zoti yt,
po i bëre shok,
vehiten e kë mbyt.*

*Të mirën po kërkove,
pak vonon, por t`vjen,
të keqen po mendove,
menjëher të zen.*

*Kujdes me veprat tua,
që i bën n`kët jetë,
se jeta e pavdekshme,
është në „Ahiret“.*

*Ti me t`keqen tënde,
që tjerët i ngarkon,
ta kesh parasysht,
se Zoti të ndëshkon.*

„I marri”

*Të kesh kujdes ti o njerri,
në gojë të marrit mos me hy,
se po hyre veç një herë,
për të dalë nuk gjen më derë*

*kurrë! i marri nuk dorëzohet,
as pranon që nuk ka die,
me të tjerët shpejt ngatrohet,
për gabimet gjen arsye.*

*me të marrin t`kesh kujdes,
çdoherë flet në vetën e tretë,
në çdo ndodhi ai merr pjesë,
dhe gënjeshtren e bën t`vërtetë.*

Liria e bilbilit

*Shiqoj bilbilin në majë të pemës,
këndon, vallëzon, nga dega në degë,
gëzon lirinë e plotë të zemrës
edhe atëherë kur dielli të djeg.*

*Ktë liri që g`zon bilbili,
nuk mund kush t`ia kufizojë,
i atij është dhe qielli
ç`kisha dashtë me të t`vallëzoj.*

*Pa e mbaruar akoma fjalinë,
një zë pushkë u dëgjua nga lartë,
kërcimin e fundit e bëri të lirë
dhe rra përtoqë me dashurin e zjartë.*

E qeshur e thyer

*Zemër e thyer s`di sa herë,
zemër e mbushur me plot vrrerë,
zemër e mbytur në lot të tharrë,
zemër e qeshur, por në të qarrë.*

*Qeshu oj zemër, zemër e thyer,
qeshu që t`mundesh sërish të qashë,
qeshu me zërin tënd të përkryer,
qeshu siç` qeshnje edhe më parë.*

Qeshu oj zemër se të ka hije...

K.A. Sherifi

06.10.2006 Neuhausen

Dhënja mend

*Në do t`më japish mend,
këthhehu në të parrën,
dhe shife atë vend
ku bujku e hedh farrën.*

*Në do t`më japish mend,
që t`ma tregosh gabimin,
ti në vend të sajën
më ngarkon trishtimin.*

*Në do t`më japish mend,
mendo se ç`kë në kok`
se n` vend të kesh pak tru
ti mund të kesh bërllok,*

Malësorja e Sharrit

*Oj malësore e malit Sharr,
a ka gjë që nuk ke parrë
më trego pash Perëndinë
si ta gëzojmë sot lirinë?!*

*Po dëshmorët që kanë rrënë!
ç` amanet moj të kanë lënë!
për rrininë çtë kanë thënë!
ndonjë namë mos i ka zënë!*

*Oj malësore e malit Sharr,
për ty dot ngre një lapidar,
por s`dot` shkruaj asnjë fjalë
që tët` pyesin ty në varr.*

E drejta e ime

Mos ma merr të drejtën që të them një fjalë.

Mos ma merr të drejtën që t` punoj si kafë.

Mos ma merr të drejtën t`mendoj si budallë.

Mos ma merr të drejtën të të uth në ballë.

Mos ma merr të drejtën që të ndjehem mirë.

Mos ma merr të drejtën ta shijoj lirinë.

Mos ma merr të drejtën t`jetoj jetën time.

Mos ma merr të drejtën edhe t`bëj gabime.

S` ma merr të vetmen gjë që posedoj.

Të mendoj me mendtë e të flas me gojë.

K.A. Sherifi

31.10.2006 Neuhausen

Ndoshta...

*Ndoshta sipas teje,
duhet t`thëras tellall
që t`i tregoj botës
se paskam pas kët hall!*

*Bota para meje,
të gjitha i di më mirë,
prandaj para botës
kam ndjenjën e dliirë.*

*Ajo ka mendime,
që pjellë mendja e sajë
kështu nëpër ndeja
kërkon të më shajë.*

Jo se nuk e di

*Ate që kërkoja,
jo se nuk e di,
por s`dua t`mendojë
e t`kthehem përsëri.*

*Nuk dua dhe njëherë,
t`kërkoj dhe veç t`kërkoj
se kërkesa t`tilla
janë e keqja lojë.*

*Është` koha të japë,
të jap` atë që kam
se përsëri e gjeta
atje ku e k`sha lanë.*

Drita e hanës

*Nana për ty jetën jetova,
por edhe vet një jetë kalova
dhe gjumin e natës ty ta dhurova
vetëm pak gjum për vehte shijova.*

*Shijoe jetën or bir i nanës,
edhe atje ku shija mungon
drejtoi sytë nga drita e hanës
është ajo shije që nana shijon.*

*Nuk dua jetën t`jetosh ti për mua,
se unë për vehte një jetë jetova,
por gjumin e qetë ta bësh unë dua
Krijuesin nderoe që t`ka krijuar.*

Të qesh a të qajë

A duhet të qesh kur ti qanë

apo kur ti qesh unë të qajë

apo t`qajë dhe unë pse ti qanë

apo kur ti qesh unë sërish të qajë.

Pse duhet të qeshësh kur unë qajë

pse unë duhet t`qeshë e ti të qashë

pse unë duhet t`qajë e ti të mos qashë

a nuk duhet bashkë

- të qeshim e të qajmë?!

K.A. Sherifi

16.11.2006 Neuhausen

Edhe unë për mua

Se ç`mund të mendoni nuk e di,

por edhe ta dijë nuk dua.

Mendimin e lirë e ka çdo njeri,

ashtu siç` e kam edhe unë për mua.

Edhe po mendove se qenkëm i keq

a qenkëm njeri, a qenkëm një „dreq“

jo vetëm me kaq, por edhe më zi

mendimin e lirë e ke edhe ti.

K.A. Sherifi

18.11.2006 Neuhausen

Civilizimi

*Jetojm në botën e civilizuar,
po çfar bote na paska qenë
e gjithë rrinia është hutuar
të vërtetën e shofin rrenë.*

*Nuk jemi në botën e çudirave,
çudit t`i lamë më një anë
jetojmë në kohën e trazirave
kujdes se gjejmë belanë.*

*Me Plis të bardhë i kemi ca pleq,
kështu kanë qenë të gjithë më parë
rrinia Plisin e shofin të keq
(xh)veshjes së sotme nuk i ngjanë.*

*Nëna malësore me pamjen kërenare,
veshur në dimija, xhakëtë dhe nalle
kurse e bija e (xh)veshur për mbare
me turpin e modës që hyrë në valle.*

*Nuk i pëlqen shami e xhakëtë,
nuk i pëlqen as emri i vetë
nën emra të njohur kërkon të luaj,
harron se trupi nuk është i huaj.*

*Ju lutem rrini, rrinia shqiptare,
mos e lakmoni at`veshje barbare
as sjelljen e poshtër që s`u që hije,
por mereni thesarin e bukur „Dije“*

Vetëm një dëshirë

*Sa dëshira kisha as vetë nuk e di,
Se, sa herë mendoja shtohet edhe një.*

*Kam dëgjuar t`thonë: „jeto në këtë botë“,
Por jeta me dëshira na qenka e kotë.*

*Dëshirat më nj`anë, punës jepi vlerë,
Që të kesh respekt dhe t`jetosh me nderë.*

*Unë në këtë botë, për një jetë të mirë,
Veç punës dhe nderës, kam dhe një dëshirë.*

*Tash i lutem Zotit „ o Zot më bën edhe mua
Siç` i do Ti njerëzit edhe unë t`i dua“.*

K.A. Sherifi

22.11.2006 Neuhausen

Syt e tu!

*Kalova aty pari...
ku qe ndodhur një çudi
në dorën e të marrit
të lodhur nja dy sy.*

*I mora me ngadalë
se ishin të molisur
ato anti sy
ç`nuk kishin kurdisur.*

*Nën kujdesin tim
do `i mbush me energji
Vitore ti oj motër
t`i g`zosh me dashuri.*

*Mos kërkjo sy tjerë
t`i shplohish syt e tu
se për syt me vlerë
gjinden anti sy.*

*Me një egoizëm
t`i ruash ato sy
se janë sy t`veçantë
dhe kanë një histori.*

K.A. Sherifi

25.11.2006 Neuhausen

Çdo rrug e botës

*Në do të vish me mua,
mos m`thuj ku të shkoj
unë shkoj atje ku dua
dhe rrugën s`e harroj.*

*Mos hec ti prapa meje
as para mos më dil
dhe unë përpara teje
nuk dua t`jem kandil.*

*Çdo rrug e kësaj bote
mund t`jet një rrug e drejt
rrug e cila t`shpie
drejt në Ahiret.*

S`e vras mendjen

*E di mirë se të lash vetë,
jo se s`desha tët` kem pranë,
por të ik thash: njëher vetë
e sigurt ku të kam lanë.*

*S` ke idenë se ku jam unë,
se as vet këtë s`e kam pasë,
nuk gjej fjal t`i fus në punë,
por as mendjen nuk e vras.*

K.A. Sherifi

27.11.2006 Neuhausen

Nëntor apo Shqiptar

O nëntor... o muaj shqiptar

nëpër shumë shekuj

në shqip të kan sharrë

se bijt më të mirë

në nëntor jan vrarë

në nëntor dhe Flamurin

me gjak e kan larë.

O nëntor... o muaj legjendash

të paçim për mot

për zgjime ndjenjash

në mot na qofsh

edhe më i mbarë

ta gëzojm lirinë

me bashkim kombëtar.

(Beu i Skenderit)

„Shtatorja e Skenderbeu në Shkup“ (28.11.2006)

*Mirë se na gjete,
o Skender-be
ti nuk erdhe vetë,
por të sollëm ne.*

*Gëzoe pra lirinë,
ti në mesin tonë,
që të jemi bashkë
asnjëher s'është vonë.*

*Qëndro kryelartë,
këtu në këtë vend
për gjendjen shqiptare
mos pyet kërkend.*

*Mund tët`flet dhe shqip,
të mendon turqisht
veprimet e veta
t`i bën verbalisht.*

K.A. Sherifi

29.11.2006 Neuhausen

Të dyat i kam

*Nuk jam një njeri i keq a i mirë,
por i kam të dyat në zemrën e dlorë.*

*E keqja në mua të mirën e ka pas,
a duhet për armikun mendjen ta vras!?*

*E mira të keqes përpara i del,
i thot: ri pas meje, se fare s'ke vlerë.*

*E keqja dhe e mira janë të pandarë,
ku zotëron e mira, e keqja e vrrarë.*

*K`të të keqe t`imen nuk e injoroj,
nga të k`qiat tua të mirën e mbroj.*

Ndera

*Në do ta ruash nderin tënd,
mos u mundo me pasuri,
ruaje ti nderin tënd,
me Shpirt e bujari.*

*Ruaje ti nderin tënd,
me pragun e shtëpisë.*

K.A. Sherifi

02.12.2006 Neuhausen

Ndihmoi vetvetes

*Ndihmoi vetvetes, kështu më than,
edhe unë ty, këtë ta them
përndryshe nuk ka kush t`ndihmon
nëqoftëse ndihmë nuk kërkon.*

*Kërkoje ti ndihmën në çdo vend,
çdonjërit i thuaj: „më ndihmo“
me ndihmën ndaj vetes, bënu zot
përndryshe çdo ndihmë është e kot.*

*Ndihmoi vetvetes, ti o njeri,
ashtu siç` dot` doje t`ndihmosh një fëmi
ndihmoi vetvetes, të mundesh dhe mua
kur të kem nevojë për ndihmat e tua.*

K.A. Sherifi

04.12.2006 Neuhausen

Pa fole...

*Përsëri më gjete
aty ku më le,
po të isha zog,
dot` bëja dhe fole
mbase n`vend të huaj
zogjt nuk dalin soj
vendosa të luaj
dhe në loj t`jetoj.*

*Përsëri po iqe
e t`kthehesh dhe njëherë
do m`gjesh n`tnejtin vend
sërish pa fole.*

K.A. Sherifi

04.12.2006 Neuhausen

Gjumi
(Vjollës)

*Në gjum o xhan, në gjum o shpirt,
në rrugën e gjumit, e ke një dritë
ndiqe dhe kape at` dritë o xhan
është` drita e shpirtit që ti e mban.*

*Në gjum o xhan, në gjum o shpirt,
ëngjull i ëndrrës ty të bën dritë
mos e bë` jetën ëndërr o shpirt,
por ëndrën e bukur jetoë çdo ditë.*

K.A. Sherifi

05.12.2006 Neuhausen

Liria ime

Nuk dua lirinë tjetrit t'ia marr,

nuk dua, se s'mundem,

se unë s'ia kam dhanë.

Mos ma merni as mua,

dhe s'mundet kush t'ma merr

qoft edhe i lidhur,

i mbytur në terr.

Lirinë që kam unë, e ke edhe ti,

lirin' e mendimit, e ka çdo njeri.

S'ta merr këtë liri,

askush nuk ta merr,

vetëm ti vetëvehtes

mund t'ia bësh këtë tmerr.

Vajza e ambël
(Amblës)

*Kur ecje në rrugë,
dhe në kopësht shikoje
çdo kënd me të qeshur
t`përshtëndesish doje.*

*Buzëqeshja e yte,
më bënte të mendoj
sa mund t`jet e ambël?
e s`mund ta provoj!.*

*Një ditë e kuptova,
emrin tënd t`vërtetë
ti ishe vet`Ambla
e gëzofsh për jetë.*

Para vetes - gratë

*Edhe pas kësaj, dot` më shani,
dot` më shani, por s`bëhet nami!
se me të sharra, të m`suar jeni
kështu fitoni, e s`mund t`i leni.*

*Mos leni gjë, asgjë pa sharrë,
se s`dua nga ju të jem i qarrë
edhe po qatë, më duket e sharrë
prandaj më shani, shani pandarë.*

*Po shatë siç` dini, s`ju marr inatë
të sharrat e juaja, më jan lëvdatë,
por mos mendoni se jeni të ngratë
se para vehtes i këni dhe gratë.*

Një atje e një këtu...

*S`e kisha idenë, si duket e gjallë!
e kam dëgjuar vetëm si përallë
është e shpejtë, ec` dhe ngadalë
me një e dy gunga, e para n`saharë.*

*Çdoherë e para ishe dhe ti...,
që nuk ndryshove, është çudi
çuditë unë e çuditë ti!!!
qenke një deve që çanë kufi.*

*Deve të kemi dhe mbeç gjithmonë,
një deve kërenare në mëndjen tonë
ne që e dim mund t`qeshim me lot,
se veprat e tua s`kan për t`shkruar kot.*

Në botën e nëndijes

*Për t`njohur vetveten,
t`mos pyes kush jam?,
u futa në botën e nëndijes që kam.*

*U nisa në rrugën,
drejt fillimit të sajë,
t`i shof pasojat e barrës që mbajë.*

*T`i shof edhe lëshimet,
që i bërra në jetë,
s`e dija që i bërra dhe mbeta i qetë.*

*Tër` jetën dot` mbetem, i qetë në veten time,
me që jam n`kët` botë: kam edhe gabime!!!*

K.A. Sherifi

15.12.2006 Neuhausen

Falemnderit më fal

*Të falemnderit, të thash dhe më the,
dikurë më vonë, mendova pse?
unë gjë s`të dhashë, ti gjë s`më dhe
me falemnderit u ndamë ne.*

*Unë falje kërkova, kërkove dhe ti,
pse duhej që falje t`kërkonim ne dy?
unë gjë s`të bërra, s`më bërrë as ti
edhe t`pa bërrat i falim ne dy.*

*Të falemnderosh dhe falje t`kërkosh,
sdo` thot të japësh, a të gabosh,
por falemnderit që të takova
edhe më fal, se mos gabova.*

Jo! Nuk e dini

*Jo! nuk jam unë, më i mirë se ti,
edhe në sjellje ndryshojmë ne të dy
për njërin jam unë, për tjetrin je ti,
çdo gjë mes nesh e ndajmë gjithnjë.*

*Nuk jam më i mirë, dhe ju ta dini,
të mirën që ndani, vjen nga dallimi,
dallimi i sjelljes, por jo dhe veprimi
se ndjenjën e Shpirtit, jo! nuk e dini.*

*Nuk dini se s`mundet, apo nuk doni,
ndodh që të heshtni, se diç` të thoni
ktheni në vehte, kudo që shkoni
ç`ndodhi e ç`thatë, mos e harroni.*

Kënga e heshtjes

*Ti prite nga unë tët` them ndonjë fjalë,
unë gojën s`e çola, se kisha një hall
u solle rreth meje me hapat, ngadalë
vazhdove në heshtje, e u ndale përballë.*

*Akoma nuk fola, se s`desha të flas,
nuk desha që ndjenjën tënde ta vras,
por t`sillesh rreth meje me buzën në gaz
në këngën e heshtjes që më vjen pas.*

*Ka vite që kënga e heshtjes më ndjek,
është` heshtja e këngës që mua më prek
i prekur i ndjekur, jam dhe dot` jem
se kënga e heshtjes vetë paskam qenë.*

K.A. Sherifi

20.12.2006 Neuhausen

Nga zero në një...

*Nuk ishim n`vet`dije që egzistojmë,
nga zero në një, filluam t`numrojmë,
s`e kishim idenë, se ç`mund të kërkojmë,
ç`dot`ndodh me ne e ku do të shkojmë.*

*Me kamba–dorës filluam t`ndrojm vend,
edhapse shihnim, s`dinim gjësend
as babë, as nanë, as njihnim dikënd
sa shumë që pamë, gjë s`mbeti në mend.*

*Çdo ditë e më shumë, vetëdija punon,
fëmija që rritet, në Shpirt na ngacmon!
s`durohet, s`ka turp, por prap e kërkon
të mbetet fëmi, fëmi përgjithmonë.*

K.A. Sherifi

28.12.2006 Neuhausen

Përmbajtja:

1) Një reze drite-----	7
2) Jeta-----	8
3) Ata-----	9
4) Lindja-----	10
5) Ndjenja-----	11
6) Shtëpia ime-----	12
7) Egoja-----	17
8) Lot i syrit-----	18
9) Rrugë pa-rrugë-----	19
10) Njeriu dhe koha-----	21
11) Kërkesat...-----	23
12) Vdekja-----	24
13) Pa titull-----	25
14) Vlersim i gabuar-----	27
15) Me emrin dyfish-----	29
16) S`dua mëshirë-----	30
17) Mosha e pleqërisë-----	31
18) Kënga e mëngjezit-----	33
19) Singëriteti-----	34
20) Pendimi-----	35
21) Kufijtë e jetës-----	36
22) Mbështetje e gabuar-----	37
23) Jeta është një harmoni-----	41
24) Aftësia dhe fati-----	42
25) Ëndra e jetës-----	43

26) <i>Brenga e kophës</i> -----	48
27) <i>9 Maji</i> -----	49
28) <i>Bukuria djallëzore</i> -----	50
29) <i>Ditura</i> -----	51
30) <i>Mikut tim</i> -----	52
31) <i>Lules që lulëzoi</i> -----	56
32) <i>Shumë fjalë</i> -----	60
33) <i>...kuptim...</i> -----	61
34) <i>Bota e çudirave</i> -----	62
35) <i>Malli i nënës</i> -----	63
36) <i>Faqebardhë</i> -----	64
37) <i>Pasqyr-fytyra</i> -----	65
38) <i>Ndjenja e fëmirisë</i> -----	66
39) <i>Jemi të mirë</i> -----	68
40) <i>Lules tharë</i> -----	69
41) <i>Vullneti i lirë</i> -----	71
42) <i>Jetë e pajetuar</i> -----	72
43) <i>Dajës tim</i> -----	74
44) <i>Jetëkalimi</i> -----	76
45) <i>Pa-kujdesia</i> -----	77
46) <i>Të thënat</i> -----	78
47) <i>Shpres pafund</i> -----	79
48) <i>Natyra</i> -----	81
49) <i>O njeri</i> -----	82
50) <i>Ë gatuara e papjekur</i> -----	83
51) <i>I ligu</i> -----	85

52) <i>Sedra</i> -----	86
53) <i>Oda e burrave</i> -----	87
54) <i>Kalimtar i rastit</i> -----	88
55) <i>Ndodhit e botës</i> -----	89
56) <i>Të lutem</i> -----	90
57) <i>I riu burrë</i> -----	91
58) <i>Monotonia</i> -----	92
59) <i>A je gjallë</i> -----	93
60) <i>U pafshim për të mirë</i> -----	94
61) <i>Çegranit tim</i> -----	95
62) <i>Rrënjët e kqombit</i> -----	97
63) <i>Një motër</i> -----	99
64) <i>Mund</i> -----	105
65) <i>Burrë-grua</i> -----	106
66) <i>Ligji i Perëndisë</i> -----	107
67) <i>I marri</i> -----	110
68) <i>Liria e bilbilit</i> -----	111
69) <i>E qeshur e thyer</i> -----	112
70) <i>Dhënja mend</i> -----	113
71) <i>Malësorja e Sharrit</i> -----	114
72) <i>E drejta e ime</i> -----	115
73) <i>Ndoshta</i> -----	116
74) <i>Jo se nuk e di</i> -----	117
75) <i>Drita e hanës</i> -----	118
76) <i>Të qesh a të qajë</i> -----	119
77) <i>Edhe unë për mua</i> -----	120

78) <i>Civilizimi</i> -----	121
79) <i>Vetëm një dëshirë</i> -----	123
80) <i>Syt e tu</i> -----	124
81) <i>Çdo rrug e botës</i> -----	126
82) <i>S'e vras mendjen</i> -----	127
83) <i>Nëntor apo Shqiptar</i> -----	128
84) <i>Beu i Skënderit</i> -----	129
85) <i>Të dyat i kam</i> -----	131
86) <i>Nderi</i> -----	132
87) <i>Ndihmoi vehtes</i> -----	133
88) <i>Pa fole</i> -----	134
89) <i>Gjumi</i> -----	135
90) <i>Liria ime</i> -----	136
91) <i>Vajza e ambël</i> -----	137
92) <i>Para vehtes gratë</i> -----	138
93) <i>Një atje e një këtu</i> -----	139
94) <i>Në botën e nëndijes</i> -----	140
95) <i>Falemnderit më fal</i> -----	141
96) <i>Jo! nuk e dini</i> -----	142
97) <i>Kënga e heshtjes</i> -----	143
98) <i>Nga zero në një</i> -----	144
99) <i>Përmbajtja:</i> -----	145



Kadri A. Sherifi

Nga kjo botë në tjetrën

dot` jem përsëri

kalimtar i rastit

si çdo tjetër njeri